

桐梓縣志卷十五

軍事下

同治元年正月石達開自施南會合來鳳粵軍分股竄入黔境初粵軍由兩湖分股而南至是達開自施南會合來鳳襲陷石柱遂由黔彭入小河攻涪州三月初間軍分四股一由南川小河填入桐梓界一由巴縣風門至仁沱子一由水江石入扶歡填達開率悍卒十餘萬由萬盛場進縱橫百里盡是粵軍鄉人皆入寨自保達開由蒲渡河入綦三角塘暗穿地道轟裂城垣幾爲所破七月十七八大股駐綦東溪一隊直到青羊市分股斜竄扶歡填衆約二十餘萬八月初六日劉嶽口之果後全軍到綦分兵七路追殺無算達開率殘衆奔入遵義

江志

桐梓縣志

卷八

軍務志下

一

黔南鉛石印刷局代印

達開未入遵義之先由綦南分布水填塘獅溪口扶歡填青羊市各邊境連營百里不日紮營謂之打館搜索財物謂之打起發厥後拔營夜行百里以竹竿裹油鞭照耀如同白日時邑令蕭培基駐松坎督團堵隘團衆逃散達開入松四月初一蕭令回城達開午刻卽至殺雖無多姦搶實甚紮數日見城垣有備遂竄擾葫蘆填響水田等處蹂躪一空始向遵義而去其另股欲由九盤子進關被楊秀江扼斷要隘折由藻渡河上石壕入夜郎填九填逼近西門而城中偵知速閉門守陴達開遂分掠村莊前合入遵義大股聲勢浩大疾如迅風掃葉圍如撒網捕魚有神降乩云此乃飛天魔王排下紅羅大陣彷彿近之

松坎紀事舊鈔

其後達開由雲南逕撲橫江被川督駱秉章圍困至紫打地糧盡路絕束手受擒盡殺之粵

軍無子遺矣四川通志

初達開餘黨李宰輔由雲南分股潰回竄入綏陽旺草時督辦軍務大臣勞重光駐節旺草突與李遇飛調提督沈宏富總鎮龍海深西道莫超宗赴援于鐘岳又飛調吳元彪助戰八晝夜李乃退原用武器祇有火槍至是始見勞軍中有洋槍焉摘黎純齋記其後元彪以請餉不獲乃與黃白號結盟叛據七星坡是為吳元彪作賊之始涇潭志

十一月戊辰白號偽朱王襲據鼎山砦逐日攻城躡及百里明年六月望乃棄砦去

偽朱王者即遵義火燒舟之張寶川本江西賈人子也前充遵義團首諸多不法為縣令鄧爾巽所斥乃投白號包頭布帕及旗

幟一色用白為賊詐稱明裔衆惑之立為偽秦玉以婺川安字號

桐梓縣志

卷八

軍務志下

二

黔南鉛石印刷局代印

屬之時安姓殺思南知府福全以叛故曰安字號又安字號中老賊謂之老號於是籠絡遠近鑄嗣統錢以堅民信比較衆賊尤為僭妄先是白號之酋有劉義順者自稱劉祖祖涪州鶴遊坪人素習青蓮教兼挾幻術來往思南何工延油匠家仍以燈花教惑衆立志和團號乙卯至涇潭傳教誘白鶴洞唐宗為黨復聯餘慶施秉龍泉等縣人為團別號人和衆七八萬以何工延楊和豐等統之擄掠以旗幟服裝顏色為號尙黃者稱黃號何二強盜殺人王尙紅者稱紅號石達開

稱沈大元帥者以緯帽紅而白號則襲據鼎山砦逐日攻城繫髮辮上號稱紅兵

十二月初二日徧燒城外村庄

二年正月初二日分紮元田坨十二日由後山襲城被團民周二奮力擊退

時新簡巡撫張亮基由川入黔派兵進攻敗轉新站太和團亦防於夜郎箐張撫繞道入城由桐住遵義賊遂下竄新站城圍既久米食不繼瘟疫大起死亡過半五月沈鎮派營務處全祖凱五營進紮鼎山之麓不料渭潭援賊突如其來十八日破紅花園都司龍統靈全營覆沒劉名貴周學貴四營投賊全祖凱以身免二十七日賊破仙女碕死二百餘人朝旨嚴飭沈鎮親身進勦六月朔營婁山密遣人作內應十五日賊乃棄鼎山而轉遵綏境正安戒嚴

三年春正月白號賊由正安來擾夜婁二里

正月下旬朱賊由正安新州入婁里芭蕉坳破張家溝砦死五十餘人猫碕溝死八十餘人石砌碕死四十餘人走水坳塘攻三义河隘口陣亡團首婁先芳十餘人所到之處焚掠

一空二月又走坡渡河至猶官坳團首猶彰祥羅玉興敗潰川軍安字營潘長青亦敗於銀盤槽賊屯扶歡坳進攻綦江城不克乃向仁懷界去八月又由溫水石壕下竄扶坳軍團追擊仍連夜竄回仁懷東皇店

二月癸巳夜會匪縋賊入城軍功張文龍等死之四月壬申屠城而去

時有潘二潘三者守城練也二月縣令徐行自省挈家眷繞仁懷來桐甫數日二十二夜守後山團民報郭外火起須督人上城守衛令叱曰恐驚內眷遂已俄而西門火起二潘已勾賊入城令同家眷急出城賊追及之面中一傷昏黑間而賊竟不知是官也遂釋之時有幕友陳慶雲浙江人隨徐來桐在堞被戕城垣鼎沸殺氣冲霄僞侯爺范春陽劉明貴踞

城四十餘日焚民舍折廟署毀城垣二百餘年之建置悉成焦土徐令赤手步至風崖硿幸符信未失遂到沿崖天神坪楊秀江覓民房以館之是時斗米二千餘男女二十餘口秀江設法供給自三月至五月徐始掛冠出川千總游超之婁孥亦仰給於秀江數十日賊去後始將二潘正法但縣城內外瘟疫盛行米如珠貴蕭條冷落而代理桐篆者爲松坎釐局委員劉應陞急抽東門半釐整頓城防至九月功未完而大令委劉汝富代之十月二十二日號匪由南門進復破城汝富先避應陞後出忽於西門外遇賊幾不免賊見骷髏遍地廬舍蕩然數日乃退汝富以失城免官應陞仍補署縣事歲無寧日而桐難可謂大矣

松坎紀事鈔本

先是鼎山賊圍城八月不克而去是冬地方濫民結盟放會

桐梓縣志

卷八

軍務志下

四

黔南鉛石印刷局代印

時縣官爲徐行奉巡撫札嚴禁而會匪潘三因其兄潘二與韓四喜均充里役次年二月在官渡河接新官爭鬥殺斃令狐姓當將兇手捕縣監禁遂勾結號匪數十人縋城放火衆方驚起堵禦而各官已乘勢逃走城民潰散惟軍功張文龍房書張和聲教民王教元拒賊被殺二十四日賊大隊由板橋來絡繹不絕城遂破賊盤踞四十日四月初二日始拔營燒屠而去

冬十月庚寅號匪入城再行屠燬

先是遵義委員來桐見劫殺紛紛仍行轉府閱一月又檄松坎局員劉應陞代理印務抽釐東門補修城郭民不聊生死亡枕籍十月劉汝富接印二十三日賊聞有綢商宿城由板橋直下官民皆遁復將未盡民房燒燬

四年清廷諭四川廣西湖南三省會勦黔匪

時滇省糜爛請兵進勦穆宗諭三省督撫有云滇省變亂已久非大兵雲集不能戡定而籌餉籌兵尤須借助四川等省之力現在黔西大定等處後先淪陷遵義府勢亦甚危黃白號匪又竄近川南之永甯川東之綦江等境蜀軍分防要隘更有何力分撥赴滇是欲平滇逆必須先平黔匪等語時因廖文榜曾三榜等燒燬尙義團三寨民房二十餘間團首楊秀江汪正伸雙方互控綦令楊銘以藩憲劉嶽昭統果後全軍不日由綦出境進勦一面鈔發會勦上諭一面示諭太和團首汪正伸與秀江化除意見協同勦賊以爲尙義團燒劫一案恐皆廖文榜等之嫁禍而秀江未必知情其論詞如左
昨聞該團總與楊秀江聚衆仇鬥劉藩憲憫念爾等均係

紳糧倏蹈危機現今出示曉諭前來急應兩釋仇怨仰體憲恩照常和好庶無噬臍之悔該團所管地方係緊連川境若果違抗憲示日事干戈川兵入境必先節節綏靖其能不顧而進耶本縣鄰封官也平日於隔界民人並不漠視况該團總等才能素著屢爲地方出力捍患自辦軍務以來凡與綦江商議事件尙能通曉大尤義於本縣之言知遵奉故不忍該團總等因團民積忿自相魚肉將來有兩敗俱傷之禍想爾等執意仇殺殆未知顧大局者有公忿無私鬥刻下全黔糜爛幾無完土日望援兵真如望歲何幸今日大兵將至正該團總等箠食壺漿以迎王師之時應急釋仇解怨集團以助軍威並多備米糧俟官兵到境給銀買食俾將士夙飽迅殄妖氛地方永無賊擾乃知

大義者之所爲若果積怨難忘亦宜互相隱忍俟軍務稍清之日本縣親到松坎會同貴縣主爲爾等排解釋之刻下切勿再行滋事有負劉藩憲諄諄告誡之意並本縣爲爾一片苦心自貽伊戚也切切凜遵毋違特訓

均同上

夏四月知縣劉應陞奉果後軍令採買軍米三年十二月正安爲僞朱王張寶川奪據四年二月二十三日綏陽亦爲吳元彪所陷果後軍劉嶽昭由綦江進兵南川令先鋒李嘉福領兵七營前往綦江採買軍糧在趕水設轉運局飭邑令劉應陞於夜婁二里協同採買議市斛六兩共三千餘斛延至明年概不發給更札楊秀春設局照條糧一兩加二倍徵收以資津貼此乃劉令稟准劉巡撫出示仿四川章程兵差瀕民幫助未幾劉令調仁懷乃已然米價已悉

收去周餘黎民靡有子遺矣

何志

冬十月果毅軍攻克鏵尖山

初汪正伸同王正儒充當團首剿平層巒鼻窠土匪併團二萬家名太和團修鏵尖山爲砦辛酋春奏設松坎釐局正儒以地方久遭號匪出而爭執被邑令陳世銛誘殺之陳令亦被正儒從人所戕僅獻其仇余應抵償郡守樊希棣令王大衡趙運怡管其團而毀其砦乃太和團衆仍擁汪正伸盤踞砦中時有慫恿正伸者謂非結盟不能得衆於是推正伸爲玉皇帽鼎羣稱老伯一時同結盟者張三鳳令狐春亭李炳南穆福高趙五王其最著者也巡撫張亮基由川入黔彼時軍務棘手正伸首先出迎張撫給銀二千三百七十兩補助練費是夏沿崖團首楊秀江以辦團嫌怨率衆圍攻正伸所

屬之尙義團三寨桐綦縣主知爲仇殺共諭止之然怨忿之心從此益深有謂果後軍由桐勦綏賊時正伸陽奉陰違者有謂正伸屬團李炳南穆福高沿邊燒劫者有謂小團中有交通僞朱王吳元彪以牽制我師者駱督恐後路有失更檄果毅軍劉鶴齡率三營入援或稱正伸遏其糴鶴齡於十月朔獲正伸外甥張春圃指爲會匪先除之由是前踏魚潛溝右燬小河硎出其不意直抵鏹尖砦剗其附砦之金華石仰天上二十餘處正伸挺而走險抵抗官軍遂成負隅之勢時油籬口之賊戕釐局委員胡濟諤又安字號之賊西擾石壕牽掣大軍鶴齡一面分兵旁禦一面猛攻鏹尖參將劉洛望遊擊謀見壽及弁兵多人先後陣亡在松坎馬夫抬買官山瘞之鶴齡憤極晝夜血戰於是鑿長壕以困之掘地道以轟

之山裂石飛震死無算汪正伸李炳南遂被擒惟張濟魁先期遁去場先逃藏螺螄窩松林內被王家文捉獲以獻竟焚其巢正伸臨刑猶作絕命詩十首戕官趙鐵匠亦同時正法時二月三日也計是役兵團三千苦戰雪地由冬歷春無或稍懈說者謂鏹尖之役在汪正伸固過於驕恣而從事團紳亦未免舉動過激卒至禍起蕭牆爲地方累向非軍團合作川黔邊境鮮有安甯日矣

十二月雪積數尺由桐運綏軍米民夫凍死無算

自乙丑夏果後軍進攻綏陽賊縣令劉應陞於夜婁里貸軍米三千餘石飭團送解到營又各營軍械絡繹不絕團保苛派富者出錢貧者出力時大雪不止計程四百里殘民負重行艱石炭關一帶倒斃纍纍直至十年始經憲示禁止

示附

貴州巡撫部院曾爲曉諭事照得提督軍門統軍入黔以來其運送軍火鑲鞘等項夫馬概由自己籌發不由沿途州縣供應茲聞自該縣起至遵義止共兩站仍須供應夫馬並該縣設有夫馬局之事查遵郡所屬該縣爲最苦遵邑既可寬免何以於該縣尙須供給况設立夫馬局皆係派累團民卽該地方官潔己奉公不至侵蝕而經手之紳首書吏人等難保不無情弊彈丸小邑何堪再事剝削自應一律寬免以示體恤而昭公允除咨提督軍門並札飭桐梓遵辦外合行出示曉諭爲此仰該縣所屬人等知悉嗣後該縣所設夫馬局卽行裁撤其提營各項夫馬毋庸爾等供應尙有不肖團首再行藉此名目私派苛索准爾等指名具稟定行提案從嚴究辦決不寬貸各宜凜遵毋

違特示同治十年四月

貴州軍需總局林黎爲曉諭事據桐梓具稟該縣所設夫馬

局業已裁撤惟往來奉差員弁難免需索夫役懇請示禁等情前來查各員管解本省餉鞘及各項差使歷來均准赴局報銷豈容再向地方官需索自應嚴行禁止以免擾累而除積習合行示諭爲此示仰各員弁等知悉嗣後管解餉鞘及各項差使過境應自行顧夫前進毋得向地方官需索尙再蹈積習任意苛求一經地方官指稟定干查究不貸凜遵毋違特示同治十年六月

又軍需總局爲嚴禁事照得本總局前因該縣鄉民歷年充當夫差困苦已極當經札飭桐梓縣將夫馬局裁撤並經出示曉諭在案茲據桐梓縣具稟有不肖紳團膽敢在

鄉藉縉夫名曰富者勒派錢文肥入私囊貧者不論婦孺橫行派充縉夫鄉民殊形苦累等情接閱之餘實堪痛恨倘不嚴行禁止何以安窮黎而示體恤合行示諭爲此示仰該縣屬各色人等知悉嗣後卽將縉夫永遠禁革如再有不肖紳團私行苛派或有員弁兵勇橫擲鄉民充當縉夫准爾赴地方官衙門指稟定行從嚴提懲決不寬貸各宜凜遵毋違特示同治十年十一月

六年秋安字耀字兩營勦油籬口土匪何元驥平之

六年土匪何元驥仍據油籬口查元驥本楊鳳餘黨以油籬口硿爲老巢查油籬硿在桐梓接綏陽邊界巉崖削壁怪石嵯峨硿可容數百人口狹似油籬因以得名何元驥據此爲險與鏹尖同一險峻自平汪正伸後縣令劉應陞屢請上憲

發兵助勦不果是秋七月督帶川營總戎成耀星潘長青率兵進勦並調各團助之仰視懸崖無下手處擬用火攻連日負運柴草尙未舉發賊等忽誤燃火藥接連轟發傷斃首從多人官軍乘勢悉掃平之內獲趙正攀一賊卽刼松坎釐局殺委員者似此足見天理昭彰分毫不爽矣先是吳元彪入綏陽城招集流亡挑選壯丁分踞各寨以作久計至是劉統憲自帶傑營雄營老營護衛營長勝軍威勝軍從桐梓婁山關板橋入朗山關西路進兵先鋒李嘉福以左營右營護後營英營俊營奇勝軍飛勝軍從正安入大關東路進兵又分遣別將帶領三營紮遵義四面山以拒黃號先以何行保營果毅營暨遵桐團練駐板橋各隘以衛糧道兼備策應並申文川督駱秉章更請安字耀字忠字各營由

遵義團澤口先破鳳鳴山賊寨轉至清水坪入永山關截吳逆七星坡往來援應之路迨至綏陽克復而號匪土匪始不擾及桐梓矣

參綏陽志

是時軍務旁午餉項不繼檄派夜婁義穀二千斛每斛折銀一兩八錢皆經總局收用至冬又派倉穀六千斛每斛仍折一兩八錢九年將未收者減半

十年冬遵郡團務總辦蹇閻勦辦土匪張開梓擒之

張開梓溱溪里石步人嘗結吳三王十等橫行鄉里任意殘殺咸豐五年合鄒神保圍城在四岡拒殺管帶蹇諤敗後開梓殺其夥賊以降仍爲團首橫據蘆里明搯暗劫無敢過問且與仁懷王洪升久結盟會甲子春約其同反王不遽應事未成而機洩爲上憲所聞同治五年川督已檄候補道蹇閻

援遵義旋奏辦合郡團務帶兵至桐於是年夏擒其心腹吳三王十斬之十年秋閻又派副將黎佐清帶綏輯營來桐駐鴨塘勦辦適武字營由川過桐截留總兵胡國珍二營爲助進攻石步黨羽聞風先潰開梓父子仍據險負固旋見官兵勢大料難支持乃假投降復逃匿鄧永福家蓋開梓嘗抱養子百人爲之爪牙所以能橫行也十一月並其子大元二元相繼就擒送遵父子相望棄市幸蹇仁厚准其存嗣故逆罪僅及父子三人外匪王洪升據鐘磬頂馬世連據飛絲崖佐清亦進軍仁懷直搗賊巢同時殲滅匪患始平

續修志採稿

光緒二年秋八月調團派饒督辦兇犯鄉民大擾

溱里團首王文仲家無倫紀其猶子王五王六敗露逃出糾合亡命殺文仲父子四人王五已獲官紳藉此立功調團派

饒爭以爲利知縣李于彤以院長曾沂元統率團丁千餘前進王六輩已遠颺多日矣時山糧甫熟團丁自行穫取楊氏墳地方縱橫五十里旬日而盡鄉民受餓不下萬家雖露布交馳大吏終未出奏矣

六年齋匪畢香廷謀反旋勦平之

查香廷世居溱溪里受四川涪州人劉義順燈花教之迷惑於是傳教鄉里黨徒日衆陰謀叛逆鄰近雖有知者然畏勢皆不敢言乃於庚辰九月初二日糾合賊衆約是夜襲城賊約三百餘人由鍋廠起行半途阻雨及過元田埧天已大明不敢前進回竄山谷團首王心霖王大衡報至請縣發兵往山谷搜捕賊黨官民初不深信繼因他團拏獲逆賊送縣並供出內應始知事出天幸乃大驚駭日夜守城以內應趙平

川張和尚祖師觀住持正法越數日渠魁畢香廷欲向仁懷遁去行至九埧爲團首楊華封擒縛交官解省誅之賊衆聞首惡被誅烏合之衆遂無形解散時縣官爲魏學恒計是役九月初一二起十餘日內卽平

按劉義順四川涪州人乾隆庚子生三十歲後卽事魔食素以不婚不嫁誘人男女六十年來蔓延十四省凡屬無爲青蓮瑤池燈花資粃歸根等教隨地異稱傳習者衆咸豐戊午逃至湄潭與號匪合戊辰秋唐炯統兵自尙大坪擒獲送成都磔之

（李鳳翔記）桐邑川東埧老廠岳春山素充哥老光緒庚辰二月朔遊郊外見一人臥地呻吟就問之云不食數日矣但得救我者必有以報負不也扶起諦視其人魁梧奇偉殆所

謂耳垂肩手過膝者心異之扶持維謹既而曰相逢非偶爾福命已至如相信可約集同志夜至黑亮硿中會議大事岳如約往比至見燈燭輝煌几案陳設其人金冠龍袍儼如王者岳等驚喜相率展拜已其人曰我日間所以如彼者特試汝心耳時會已至爾等作速招兵買馬尅日舉事此間糧餉器械俱備儘可勿慮遂導至深處見金穀充溢兵書寶劍之類無所不具羣以爲真主果出矣於是傳知遠近兩月間聚黨數千約四月十八破縣城先遣七十餘人日間入城各以紅黑寶六門攤青龍簽簽寶之類分擺各街詭謀內應縣署查知其異會汛署閉城盡捉之是夜大雨後至者方抵元田埧聞警遁去其在城內應之趙平川並和尚一人亦被查獲知縣魏學恒飛稟上憲飭與綏陽縣李鐘傑會同查辦時盟

單內多綏陽人偵至黃村埧呈交李令因而兩縣齊至寬濶埧住十餘日獲黨多人就地戮之並獲僞元帥田洪山同岳解省正法查肇衅時耗費數千金皆由硿中携出迨事發再往則人物俱渺矣妖耶狐耶謀亂不成徒遭顯戮寧非素來作孽有以召之歟

月日陽志
記誤節綏

按以上所記亦如穆繼賢楊龍喜之受迷惑終以妖說喪其身家有何足惜特桐梓原稿稱畢香廷而鳳翔則稱岳春山蓋香亭謀亂石板塘春山煽惑寬濶埧事敗桐先獲香亭綏後獲春山故所書各異兩人皆首逆也

二十五年仁懷陳玉川肇亂省委俟補道張勝嚴率兵平之仁懷陳玉川肇亂賊等揚言由桐取道過遵進省函桐梓官紳與辦糧草賊巢溫水毘連桐界守城築砦全縣人民月餘

不安時縣官何宗輪督衆守城蘆里杜庚培率團民五百名
隨同張道率兵往勦親搗賊巢殲厥渠魁並拏獲勾結之外
匪董鴨子來桐正法未及一月而陳匪平庚培在事出力得
獎五品軍功

二十七年正月初四日夜里土匪趙興順被團民格斃

趙興順住夜里扒撻溝寨上光緒初年卽以拐賣婦女偷宰
耕牛爲業廣通津巴哥老以爲黨羽受害之家咸畏報復無
敢言者每出川河拐賣婦女數十成羣一時有人販子之稱
至其宰牛角骨堆積如山出賣一次價值百餘金有告發者
恒以重金啖差難獲到案及至光緒二十三四年間何令宗
輪商請城防王管帶復札楊團總茂元先後帶兵練嚴捕均
脫網至二十六年十二月勾結川匪林叫丐子劫搶猶楊氏

家當桐綦兩縣均未緝獲至二十七年正月初三日又謀搶
甲長陳東林家殊天不藏奸被人走漏時有紳保猶朝選猶
在田等暗集團壯二百餘人伏路待之該匪果於初四晨刻
統衆三四十人前來卽於椅子台接仗馳驟里許始將該匪
格斃其黨徒仍抵死不退又復將朋匪黎二漢子格斃匪黨
始鳥獸散至初六日匪黨復糾合川匪以圖報復團衆戒嚴
幸獲無恙未幾縣令委紳王嘉賓帶兵彈壓並將餘匪趙盈
郊數人就近送綦嚴辦及至二十八年匪黨王大腦壳復行
聚搶又復送城究辦至是匪黨始散是役牽動兩縣前後共
格斃二匪法辦七人地方紳保亦戒備數載始解嚴云

秋八月青羊市拳匪聚衆仇燒恩貢陳澤普牽累被殺

拳匪始於山東直隸而青羊市拳匪則由河南馬回子來扶

歡填貿易傳之陳月波而蔓延楊瀛峯封百川張海峯等鄉里愚民不分男女咸附和之其唸咒有沙僧唐僧八戒悟空關聖帝君等語唸畢喊吶狂奔望空械鬥輒謂與洋國交戰殺人若干故神拳而以義和名之也是年七月適有英國王教士來青市演說賣書被人毀辱於時有造事者知陳澤普蕭際雲兩家因爭紙市嫌怨素深暗慫王教士至桐控陳殊陳任公日久素服鄉民既而桐令何簽差勒提又見綦令莊因事來場遂疑蕭有主使與陳爲難因於八月十八日夜暗糾拳匪圍燒蕭屋烟焰迷天炮聲震地綦令受驚憤怒益甚然起釁原因實拳匪暴動而陳不預知也及大獄將興馬回子不知何往王教士亦先遁去蕭遂以燒殺大題在綦具控匪首封百川楊瀛峯陳月波張海峯等並以主謀控陳綦令

挾燒燬之嫌不加詳察遂卽轉稟上憲訛萬二坡爲望兒寨謂陳聚衆數千卽爲亂川省大憲立令劉統領帶兵前來就近察勦於是人民驚駭搬避一空先是八月下旬桐令何偵知四楞碑一帶煤廠夫役停工日久恐復乘勢構亂札邑紳猶朝選不分星夜馳往各處宣布利害各安營業不料綦令軍催太急何令已同駐城防軍藺管帶武舉王嘉賓率領黔軍到青羊市也內而正安仁懷外而南川巴縣謠傳喧嚷搖動鄰封在拳匪固早逃散而陳亦自知旣被王教士嫁禍於前又被拳匪踵禍於後縱不知情有口難辯遂於兩軍未到之前逃避百花台以待昭雪乃劉統領以案懸難結飭何令轉令王嘉賓前往面諭自行出首有渠擔任以便結案殊王覆命綦令偵知勒逼各軍將陳捉獲解綦歸案上憲旋命

知府鄂太守來綦勘問亦欲爲陳解釋無如莊令決意辦陳勒令青市團民千餘家盡行畫押逼請上憲務期正法鄉民以陳於公安事件多所維持至今惜之次年始奉部文飭地方官確實查辦而死者已不可復生也初拳匪請神示以出兵日期判云戌犬會龍日奎星冲破天後果於建戌之九月初一奎星辰日拏獲一千逆犯是雖邪說誣民其亦陳氏之厄運而地方之劫數歟

按澤普名秀俊

宣統三年辛亥六月貴州新兵劉樹槐等援川經過遵義桐梓等縣

川中因鐵路國有風潮發生同志會反對莠民附和勢甚猖獗川督請援黔撫派劉樹槐等率新軍援川道出縣境駐鎮瀘州以上明年川省改革新軍又由縣回省

桐梓縣志

卷八

軍務志下

十五

黔南鉛石印刷局代印

秋九月貴州宣布獨立哥老會肆行土匪日熾

省城宣布獨立哥老會盛開公口而川中同志會起攻欽差端方總督趙爾豐等以木板書字拋入長江爲水電報大肆號召於是長江南岸同志會沿及縣境挨門提槍夜襲一帶不勝擾累因而土匪乘起遂不可制

中華民國

元年壬子滇軍唐繼堯至貴陽派兵緝捕桐梓會匪

貴陽獨立後哥老盛行公口林立都督楊柏舟知趙德全爲

戎首借名援鄂徑次湘西時耆老會

錢登熙劉顯世胡錦堂子華戴戡周杭全

郭式如牟文惠菴等

見全省秩序紊亂不堪請滇督蔡鍔拯救黔亂蔡

令唐繼堯以北伐爲名假道貴州徑至省城肅清哥老以繼堯爲貴州臨時都督旋請中央任命之在黔主政兩年後蔡

鏢調京繼堯奉調回滇全省始歸黔人統治

是年北防督帶熊其勳會川兵勦平股匪喻抓爪等

喻抓上聲爪綽號老魔桃子蕩人乘改革期間糾合大匪十餘

股盤踞夜里溪垣燒殺拉搶遠近受害里紳謝化龍繞道至松報熊出兵勦辦又恐漏網竄綦化龍復繞赴綦江報請川兵會勦二月十九日熊其勳等率防軍約同川軍會勦喻匪於溪垣一鼓盪平擒殺無算

按民初防軍係清末各路練軍改編

二年八月二十日黔軍與川軍熊克武戰於九盤子及青羊市等處

時熊克武爲川軍第五師師長同江西都督李烈鈞等與中央袁世凱爲難獨立重慶第二師師長楊森請黔出兵援助

桐梓縣志

卷八

軍務志下

十六

黔南鉛石印刷局代印

攻克武北防督帶熊其勳奉令分途進兵接戰於九盤關青羊市等處勝之

九月滇軍師長葉荃旅長黃毓成由省援川取道桐梓

黃毓成入重慶後改稱貴州重慶川人恨之反對黔軍援川一役前功遂廢

五年春正月護國軍及北兵戰於九盤關等處勝之

民國四年冬袁世凱稱帝改元洪憲時蔡鏢在京密與戴戡熊克武繞道入滇同唐繼堯合謀通電遠近起兵護國蔡由瀘州路進戴出松坎三路進兵一路梯團熊其勳由九盤關進攻馬口壩第二路團副長胡忠相營長黃道彬等由燕石坎進攻青羊市第三路支隊長盧漢臣參謀熊逸瀕營長張三元由獅溪口進攻頂箐五年正月既望三路之兵連戰

皆捷其後北兵曹錕分令齊燮元吳佩孚兩旅一由涪州繞出青羊市一由江津繞出龍台寺兩面包圍我軍遂回松坎幸天不佑袁旋去帝號卽行殞命戴熊始受中央委任由重慶入成都可謂僥倖成功也然其先設局松坎辦理糧秣人伏駝馬供應繁勞至其退松之後六區半境半爲敵所據由二月至五月杪蹂躪不堪敵始北去

袁世凱死後繼任總統爲黎元洪於是蔡鍔謝病去中央委戴戡爲四川省長熊其勳爲旅長甫及半載興川軍但懋辛劉存厚各部不協退入皇城旋經交涉出城兵敗遇害其餘部隊袁光輝熊偉丞兩團仍由桐梓經過回省改編是役不惟桐梓苦於供應卽全省元氣亦幾斲喪殆盡矣

七年護法軍總司令王文華由省入川經過縣境

民國改元早經立憲前清提督張勳及一班故舊官僚欲挾宣統恢復帝制於是護法軍起通電全國起義聲討黔軍總司令王文華由川進兵三次往返經過桐梓供應實繁駐節重慶僅及年餘不料川人驅逐客軍文華使盧燾率兵回黔遂乘江輪向上海而去

九年秋代理黔軍總司令盧燾由渝回黔省長劉顯世去職時中央命令滇軍返滇黔軍返黔王文華乃向上海進發密商盧燾率同各旅回黔於是滇軍撤退一時竇以莊谷正倫胡鎡等旅及何應欽部之孫劍鋒團均各擇駐要地而張賦濤一旅駐紮遵義號召叛亡大行獎匪政策有羅成三者係鑼鼓三坪人綽號磨擔老響先在老掛丁樹榮匪棚內招隨熊梯團入川戕殺老掛而代之茲爲張賦濤所招固匪團長

匪縱隊匪支隊匪司令中翹楚也於時兵卽匪匪卽兵桐梓城鄉匪棚林立一二年間地方糜爛已達極點

先是七年八月滇黔有援陝之役滇督唐繼堯輕騎入渝會商軍務取道桐梓未幾調滇軍師長朱培德至渝九年培德同黔軍由渝回軍經過縣城其部下卒伍茫無秩序覬覦縣城幸黔軍團長王天培派兵彈壓始獲保全

十一年春定黔軍總司令袁祖銘率兵入黔

先是谷正倫以援桂總司令率彭漢章王天培到廣西後覲見孫大總統授以師長回黔至榕江張賦濤囑團長黃道彬派人走獨山歡迎正倫殊彭王陞旅長後又棄正倫而迎袁袁由鄂到銅仁竇旅長以莊掛冠去以其部屬交周西成代之袁彭王會議定黔谷先到筑駐數日時張在筑護理總司

令見彭王兵至谷張偕返遵彭王追之張令黃禦之於後坳場谷張偕出川王遂與黃爲難時袁先委黃左路第二梯團長屬於彭而受王中路指揮各部追谷張不獲還因孫旅劍鋒駐筑悉載黔精銳由赤水走川袁電黃由桐赴赤追孫迭電催進王電黃速退進退維谷黃殊拮据尋調黃赴省以部隊交魏金榮並陞授團長尋調金榮所部東戍銅仁而以天培駐鎮北防殊羅成三盤踞松坎正綏仁桐之匪皆其黨羽梗阻川黔交通要袁招撫王部護商全連人槍在途爲成三所擄袁不得已收編之而匪勢愈增高矣 初袁祖銘與劉顯世密約定黔以劉爲省長袁爲總司令袁至貴陽自兼省長置劉不問自是事多牽掣遂釀出滇軍復入黔一事十二年癸亥滇軍唐繼虞挾前省長劉顯世復入黔

顯世由京滬返滇自慨年老本無再長黔意實爲唐繼堯之弟繼虞所利用挾劉起兵攻袁並招吳學顯廖月江等爲之羽翼西路彭漢章所部兵潰袁不能敵遂舍省城向銅仁趨涪陵與川軍楊森聯絡合作

二月初五日 川匪陳國鈞乘夜破城焚燬縣署拉搶一空

陳國鈞綽號牛販子四川大足縣人先業商抱布來買牛去鄉間盜牛者衆迭遭匪攔搶資本罄盡因變產購槍十數支約其鄉

人來往桐界行劫繼住厚梨填廣招邊棚四出擄搶至此約同施匪秉清等陷城焚縣署搶民家並拉紳糧四十餘人去被張營長占雲率兵追至鰲水和村奪回或云縣城被陷皆張營部下營副郭二所勾結時縣知事爲羅天全赴遵未回其長子亦被戕害陳殺施秉清以塞責後爲匪縱隊廖廷貴

招安充團長旋廖充司令陳充第三縱隊長隨廖援川潰於涪陵馬頸子奔回在途爲王木匠名漢清所獲提其槍其後受撫於周省長將匪隊改編委以翻砂廠督工

是月二十日 在川黔軍師長周西成由涪率師靖黔

先是西成駐節涪州聞黔亂欲往定未決適有匪團長羅成三駐遵義函電往復指陳路綫請之來黔西成靖黔之議遂決授成三步兵旅長職遂出師一路由正安一路由桐梓進至半途羅得滇唐委以混成旅長又電拒西成並密令其營長戴河清率部於松坎伏隘截擊之西成怒催兵至松坎戴伏山谷間畏縮不前計洩西成戒備由桐梓進師次遵義殊袁已由東路宵遁時成三首鼠兩端西成殺之解散其衆滇唐虛與西成委蛇密遣精兵分路抄圍務獲之會川軍請援

西成遂於四月全師旋川唐又派軍長張汝驥率縱隊長廖月江並各分統躡之至桐城西成已出松坎汝驥無功而還詎成三餘黨楊其昌等勾結川匪千餘相抗西成以大礮轟擊之匪不支潰退西成乃由趕水入綦江越數日戴河清率其部投西成遂依之

四月唐繼虞派張汝驥率隊追靖黔軍至松坎還以林麗山留駐桐梓廖月江駐松坎

按月江原名廷貴先在四川永寧爲匪有哥老助毛瑟槍多支又綽號廖毛瑟唐繼虞入黔時特招爲縱隊長隨張汝驥追周至桐張將回遵勒索軍餉五萬元是時鄒鑑奉靖黔軍委爲桐令僅籌繳二千遂被撤委留林麗山及廖月江等部分駐桐松而去

九月唐繼虞遣胡若愚率廖月江等援蜀

時廖月江駐松坎卽率所招股匪陳牛販子等爲前隊由桐經綦異常騷擾

十一月滇軍由重慶回滇經過桐梓加廖月江遊擊司令職留守城防

時亂軍數萬駐滿民房文武各廟及男女學校均遭毀壞片瓦無存直至十二月二十三日胡若愚始開遵義留廖月江爲城防司令一時六縱隊士兵拉牽搶搯日有所聞司令部每日勒索菜洋七十元挨門傳湊以飽慾壑且濫用墨飛估兌現金騷擾萬分不堪言狀其所招最著之匪有羅塌鼻子

健陳牛販子國陶瘟牛春羅老響繼雷老推宋簡老課玉

亭李老亂明等各大股或稱縱隊或稱支隊或團或營布滿城

鄉他匪皆異常擾亂惟羅塌鼻子充副司令官對擾亂地方實甚者率隊彈壓城鄉父老今尙稱之固不因匪而掩其美也時有匪婦猪磓老烟者貌艷而毒心匪夫死後仍爲匪首被塌鼻子擒而殺之餘匪悉散輿論嘉之

十三年春黔軍第三師兼川軍第十二師師長周西成駐軍赤水

三月川軍湯子模賀龍各屬所部假道桐梓經過縣境

湯賀開向湖南由桐經過每日糧米需數十石人民方受滇兵困苦又逐日供應湯賀兩師實屬艱窘時周會辦已到赤水傳言將發兵與賀爲難賀遣人往探石門坎一帶四處皆張旗幟信爲真也不分老少並拉爲伋卽日離城先是賀在涪州曾被周擊潰故意圖禍其桑梓

桐梓縣志

卷八

軍務志下

二二

黔南鉛石印刷局代印

八月^{三十日}駐桐滇軍內亂密約民團圍攻其司令部擒廖月江殺之

月江在桐擾害太甚其招安匪部陳牛販子密約民團於三十夜圍攻其司令部及住所擒月江至二區殺之一時人心大快先是八月十五夜天忽大鳴聲震如雷月江自言主喪將官果驗

九月^{十八日}滇軍團長景林兩部來桐復仇

月江旣殺滇軍景星五林麗山所部藉故至桐入室闖房受禍不小由城及鄉遍加搜索臨行之夕到處洗搜天明始向板橋進發桐民之遭人命無有慘於此矣

十月^{初一日}滇軍復由板橋來桐再肆蹂躪而去

滇軍荼毒桐民大索三次其始一絲一粟搜括無遺其後誅

求不遂殃及屍棺尤苦慘者居民睡夢之中槍聲震地防軍驚潰滇軍入城迅雷不及掩耳卽能倉猝逃避僅以身免而已

十一月黔軍師長周西成以四混成旅猶國才進駐遵義團長陳仕道分駐松坎

時駐遵滇軍尙未及退國才由土城經黔西境揮軍壓迫遵義滇軍始行退走

十二月中央委任黔軍第二師彭漢章爲貴州省長特任師長周西成會辦貴州軍務仍於赤水設行署治事

滇軍在黔將及二載北防一帶尤遭兵害至是彭漢章率師到黔長驅直入唐繼虞退走湘桂不能進旋復回獨山間道返滇彭軍經過縣境供應雖繁桐人喜其脫滇禍靡不

同表歡迎

十四年乙丑四月陝軍孫旅長定方率隊由渝間道走赤水經過縣境青羊市水填塘等處歸附會辦周西成是年饑饉斗米十元草頭木根都被食盡餓殍滿途死屍枕籍先是孫軍駐渝川黔總司令袁祖銘欲提其槍至是率隊向周由南川經過縣境始而出賣槍支以爲軍食繼且殺馬煮食均無搶搜行爲行次松坎狼狽萬分幾經艱難始達赤水

六月會辦周西成收撫陝軍孫旅全部于赤水

在赤點編就緒定方力請長假周會辦厚給川資護送回陝八月駐遵旅長猶國才遣團長羅繼忠等率兵勦平土匪婁彪克之

婁彪者婁里水坳塘土豪也率衆爲匪橫行鄉里先經里紳梁友峯在會辦署代行請委任爲支隊長適陝軍孫旅由南川繞經羊墩被彪提槍多支至是孫旅已投會署詢知槍被彪提於是復加婁彪委飭令歸隊彪乃陽奉陰違不卽應命會署遂令四混成旅出兵勦之初羅繼忠陳仕道兩團受令同往因彪竄匿不獲陳團遂還羅團復留兵偵查知彪潛匿觀音崖硿內放火薰燒遂克其硿擒之解遵義正法並獲槍支無算其後婁彪餘黨有張金臣者獅溪口人也彪敗後金臣充獅溪團防隊長因與區長張介封有隙十六年夏將槍拋走北防團長陳仕道令劉營成鼎往攻反斃團丁一名金臣向原村坳竄去

冬中央特任周西成爲國民革命軍第二十五軍軍長陞任第一師師長毛光翔爲副軍長

十五年春正月中央特任周西成爲貴州省長

是年三月西成令駐遵旅長猶國才率兵先發入省接防至四月西成取道桐梓晉省於六月一日宣誓就職沿途士民望慰雲霓 時駐防松坎爲旅長陳仕道其後爲團長周超羣

五月川黔總司令袁祖銘由渝返黔所屬各部經過縣境

袁總司令自十二年由涪轉戰川中駐渝已久至是川軍排外乃率各部返黔乙丑以來年甚饑荒經過地方苦於供應幸松新一帶分站迎送糧秣夫役尙不大爲困苦軍次遵義卽分一部取道甕餘援湘祖銘自率一軍繞道省城周省長亦極表歡迎軍裝火餉盡力籌助休息月餘仍統大部援湘

十六年五月國民政府特任軍長周西成兼國軍第九路總指揮

周省長自會辦軍務以來北防一帶積匪肅清及其入主黔政草偃風行事權統一故有此指揮討共之命

十七年冬軍長周西成與四十三軍激戰於邑梅敵軍敗退

十八年夏四月李燊入寇軍長周西成下野省城失陷桐梓始設保安司令部時師長黃道彬政務委員熊逸瀕於遵義設立臨時政府令桐梓設保安司令部公推趙文彬參軍主持軍政維持治安縣屬鹽防軍公安隊及各區團練俱編爲營部以備匪患未幾改稱公安大隊部

五月癸卯克復省城

此次政變倉猝毛副軍長時在黃草坳至是集中遵義克復

省城恢復省政府取消遵義臨時政府

六月國民政府特委副軍長毛光翔陞任國民革命軍第二十五軍軍長陞任第二師師長王家烈爲副軍長七月八日宣誓就職縣政府奉發文告公佈各區人心安定

八月駐松團長趙興鑑率本部士兵並桐綦團練勦匪於馬桑台等處

先是川軍王團駐紮綦江派款過巨各區團共反對之釀成戰禍不可收拾未幾團隊漆福星反叛民團王團所部之李連亦反官軍遂糾合徒黨至白石塘馬桑台等處攔劫行商逼近縣境故率本部並各區及綦江團練兜勦匪始颺去又有潰兵葉名揚裹脅千餘人蔓延於遵桐交界之李子關一帶後備軍總司令黃道彬派駐松團長趙興鑑縣長李世祚

各遣兵練攻勦匪竄潰逃

十月國民政府特委國民革命軍第二十五軍軍長毛光翔兼
任貴州省政府主席

是月縣政府奉到就職文告公佈城鄉父老昆弟莫不慶幸
咸謂政治前途由此日臻上理矣

民國十八載兵匪經過誌略

吉人

鼎革以前新軍援川宣統三年道出桐梓多事盤桓人民乍見頗

懷疑懼師出以律尙少滋事九月反正公口彌漫哥老乘機密謀

倡亂大開山堂爭迎帥印奇裝異服怪像難認引誘青年捐納進

步豪家惡少靡然從風識者憂時咸戒匪禍遠近報章貽譏匪國

有耆老會請救戴于滇民元新正來唐繼堯假道北伐先定省城

螺螄山埋官兵三窖臨時都督歡呼拜進由川回者蒞桐飛遁唐隊駐防肅

清漢流三字冤獄波及實稠民二逐熊克黃毓旅入川貴州重慶

激成川變倉猝離渝川軍猛追未及三月兩次往回糧秣伏役供

給浩繁姦淫搯索民力不堪五年護國討袁世凱稱帝改元洪憲司令戴戡行

駐戰守半載流連成都敗潰戴戡熊克士卒奔還桐梓通衢迭遭

禍愆民七護法黔軍又臨總司令官乃王電輪文凡三往返不慣

桐梓縣志

卷八

軍務志下

二六

黔南鉛石印刷局代印

巴渝陸防團匪調遣絡繹明徵暗搜公私困極省防空虛四處匪

起川人逐客九年秋季五旅以莊谷正倫張賦濤胡鏌何應欽後交孫劍鋒代其職回黔滇

軍返滇兵匪混淆肆行騷擾王旅天培彈壓兇暴孫劍鋒團逼劉顯

盧燾繼任先代總司令尋任可澄年餘守府徙擁虛名張賦旅駐

遵隱萌異志獎匪政策號召亡命羅匪成三綽號磨為之肘腋大

肆招安藉雄威勢匪棚愈大官職愈高有匪團長匪縱隊匪支隊匪混成旅長匪司令等

匪有護符日招日搶斯時北路有匪皆兵運動逃亡無兵不匪地

方人民不堪設想十一年春袁總司令祖銘由鄂定黔驅谷正倫逐張

追孫劍鋒迎羅三成部隊下上往來如鯽在省一年事多牽掣命令

不行匪無憚忌招撫羈縻匪勢愈熾養成巨患不可收拾十二年

春滇唐繼堯繼堯之弟原名繼禹更名挾劉率匪吳學顯廖開釁禍黔袁不能

守恣意搜刮捲欸懷印深宵出發西成靖黔由涪入遵成三叵測

先迎後拒暗通滇唐西成殺之旋利機會星夜援川計畫變更來
去三月匪魁正法餘孽縱橫石虎新松皆匪憑陵張軍汝驥馳驅
松桐搜搶兩回坐索五萬鄒鑑不力周委知事撤委肇文李滇人命
令効力不出國門兵警團保次第嚴催無奈桐城劫後餘灰二月
五夜張營遠行成三部下張占云駐城營副郭二人仁攘私賣後營陳牛販子
國鈞施匪陷城沿街洗搶擄四十人古云救回索後被周殺羅縣天銓離職回
遵焚燒三堂開放犯人殺羅長子劫奪鎗銀人民窘迫以此原因
追呼過甚借款教堂公田抵質斷送未償第五分統尤為齷齪苗
獯狍狃豕狼最毒破衣爛裳搜藏懷腹盃碟杯盤匿之囊橐柴米
油鹽利用人物甲戶食盡移住乙家故損丙物又往丁拏嗟彼盤
人假威助虐尋受高官有靦面目張軍移遵江月部接防大匪手
段廖本敘口昭東一帶巨匪積案如山唐招以禍黔者惡辣異常六縱隊長詳軍務布滿桐疆

桐梓縣志

卷八

軍務志下

二七

黔南鉛石印刷局代印

擄人勒贖搶砦劫場非刑鈞拷軟牀硬床生者傾家死亦說江肥

謂猪為江捉人為拉猪說錢取人謂之說江援川敗回萬惡更甚徵發米穀估宰猪牲

怒人索價父子遭刑東街王予達索肥猪二頭值廖不給大怒毆之其父子先後三日死每日菜錢

大洋七十挨家傳漆萬分竭蹶廟宇民房概遭毀折濫發墨飛估

兌現金無處藏躲民不聊生猶机上肉聽其割烹受害之慘惟桐

最深十有三年人心不死伐滇聲浪愈唱愈起繼虞退讓雞肋交

還走湘走桂均不能前回向獨山不敢再入率隊返滇險遭覆沒

天未厭亂匪燄難平學子富家連合搶人李匪冥得擾亂三區張

匪躡子鴨塘負蝸馮匪青雲團長自居餘黨十二爛槍幾支踞涼

水井商旅慘淒匪天匪地神州陸沉猪槽老烟元田壩故匪陳德三妻張氏且

一婦人勾串多匪亡命橫行不能制止逼近廖營羅塌鼻子殺馮

與陳將死民衆稍鬆一層匪中特出合意歡迎加倍供給力盡神

昏詎廖無道部下離心陳牛販子密約民團圍而殺之提其槍彈
月三十日八蹂躪兩年罪無可掩羣衆快心庸知大難林團景團千

人索命其來如飛搜及厠圍槍聲哭聲天翻地震小兒縋裸婦女
鞋衽三次大索物無遺剩最痛人心殃及停櫬東街劉南街車傳等家遭此

荼毒山窮水盡彭師漢章受印長黔兼清鄉職由渝凱還歲除經
過日擊生憐明年乙丑災降於天大饑大旱斗米十圓加以兵疫

死亡過半草根樹皮泥粉食盡殺人剝肉苟活生命彭任年餘治
匪無法人民共棄被撤而罷賴有西成先膺會辦十三年中央特爲貴州軍務會

任辦駐節赤水收回各縣派隊委官肅清匪患北路通行四民稱便
籌欸賑荒紛馳函電華洋義賑災區特判列桐梓爲一等災區北京政府撥

欸放散前後請領 八九千圓益以各方樂捐蘇鮒分頭採買穀
米苞 毛總司令捐穀六十石與錢分攤七區粥廠加鹽賑糶兼施

監查督率繼以工賑河工馬路救活災民恒河沙數蕞爾邊陲無
量痛苦匪斂兵戢迥非前度敬梓恭桑諸公周毛王猶黃馬諸公煞費苦心調護

按此編僅紀一二三區匪情蒙山以下四區概未之及

附近事一則

五月丁卯在十八年窮寇李氏二次禍黔哭秦求助請龍於滇周
公下野入寇省垣李龍雷史仇視心堅合謀圖我警報紛傳縣無
強兵內匪窺探勾結蜀匪蠢動川邊連盟協進藉口增援奸宄乘
機布散謠言人民懼禍膽裂心懸黃熊退遵部署幹旋毛公西巡
遠在南盤兼程進勦恢復當先王公紹武由銅入援全軍集合戡
定難關李龍遁走匪困於團兩方禍解轉危爲安遵桐脫險倣倖
極端平定稍緩民命何堪兩公大業再造河山稽首拜手共祝萬
年前事不忘附記於編

桐梓縣志卷十五

軍務志

團防

團防章則內聯保甲外助兵防兵防有兵而無民保甲有民而無兵惟團防則合兵民而權輿之軌里連鄉古入行之久矣桐梓向無團防祇有保甲編里凡五編甲凡十惟夜郎多一甲共五十一甲額定十家爲牌牌有牌首百家爲甲甲有甲長千家爲保保有保正其器械由保甲自備遇有警耗由保飭甲由甲飭排並力捍禦然前此保甲類皆有名無實至咸豐四年縣令劉毅分令興團始有專責逮同治初地方糜爛號匪土匪遠近橫行半恃團力始克剿平太平既久團務紛岐有以一甲爲一保者有以一保分數保者有互相攻擊圖謀權利者有擅自專

桐梓縣志

卷八

軍務志下

二九

黔南鉛石印刷局代印

橫反對官府者同治十一年知縣凌彝銘仍改保甲光緒八年教諭葛明遠奉令設保甲局於城內未幾廢去自時厥後雖鄉正團總時加委任而有名無實得力無多縣令余應雲乃於三十三年創設警察局無如不諳辦法徒負空名而已三十四年王令孔鑄又委紳譚恩弟抽收酒捐議設巡警教練所於炎帝宮以縣之東南西北劃分區段至宣統二年朱令朝琛又賡續舉行之然對於團務亦祇抽丁操習而已由各保分送團丁三人不等更番操練民國元年嚴令思永開辦民團經羅續賓等始製槍支次年楊令世祚改民團爲巡警札紳趙興璠充警務長有警備兵四十名雜槍四十餘支屢議設立保安警察因無的款後未實行其所擬規制於原有警備兵四十名外添招八十名以足一百二十名之數符保安警察定章大縣須一百二十名無如槍支款項俱無着落延及四

年匪勢漸大蔡令用休奉令劃分爲七區設團防總局於城內衛兵十名其餘五里地段分作七區區改原有東幾區西幾區爲第一第二等區各招民練以資保衛不料川戰發生匪風甚熾十三年以後拉搶燒殺延蔓城鄉全縣地方難尋淨土周主席西成回黔主政令飭各縣整頓民團頻年積匪一日肅清特於十六年令各縣卽市政公所及其警團改編公安局迄今桐梓分局城內駐兵二隊松坎獅溪各駐一隊凡前此之警兵團練俱歸公安局編制以免紛繁縣長李世祚又於十七年奉令改良團務卽各區原設團防改爲團務辦公處其每保花戶至少須三百家均以第一第二等保分別名稱此團務大略也至若沿革治亂又當按區以分析之

第一區

團務辦公處 在縣署漢相祠內距電話局僅數十武城鄉電
話卽由城局分達各區團務辦公處

第一保 黑石溪 楊柳坪

第二保 木上 下木上

第三保 周市埧 桃子坪

第四保 蒲家場 窑 窰 田家溝

第五保 毛田

第六保 蔴柳關

第七保 元田埧

第八保 水磨塘

第九保 樓上

桐梓縣志

卷八

軍務志下

三一

黔南鉛石印刷局代印

第十保 楚米舖

第十一保 迴龍寺 袁家坡

第十二保 九埧場 趙安埧 張家溝

第十三保 栗子埧 丁家埧

第十四保 九八溝

第十五保 天橋 長崗

第十六保 毛埧

第十七保 黑神廟 石板塘

第十八保 羊石墳 上埧

第十九保 下河埧

第二十保 沙嘴 大墳堡

第二十一保 紅花園 大竹埧

第二十二保 葫蘆埧

第二十三保 石門坎

第二十四保 半山

按一區原轄三十四團今遵縣定團章歸併爲二十四團從前東溱二里之地盡歸一區所轄而石門坎一保尤兼蘆里地矣

一區團務之經過 區內丁口多寡詳見戶口惟團務始末當更約略言之咸豐丙寅年縣令劉毅以楊龍喜叛後餘黨尙多分令五里分段設團是爲桐梓有團之始是年十一月號匪由毛坭竄入元田坭任意蹂躪餘無所掠惟牽耕牛而已同治癸亥即二月二十夜賊首范春陽僞稱侯爺窺城已久時有城守後山之潘二潘三勾賊破城焚掠一空悉成焦土縣令徐行帶傷脫逃賊

桐梓縣志

卷八

軍務志下

三二

黔南鉛石印刷局代印

踞城四十餘日始去是年冬十月十二日鼎山號匪又復破城賊見骷髏遍地廬舍蕩然僅紮數日引退自時厥後賊匪漸平五里大團動輒內鬩知縣凌彝銘鑒於鐮尖山激變前事又適值婁里奸民葉三同煽亂于綏桐交界地方乃復改團爲保甲時一區地段附近城郭凋喪之餘團務棘手其後光緒五年齋匪畢香亭乘夜襲城幸爲雨阻二十五年仁匪陳玉川鬧事亦旋撲滅何令宗輪乃令修寨辦團並設城內保甲局旣而保甲廢弛委四城保正分保辦理終清之世無甚變更民國改元委羅續賓統辦民國三年委金貢廷畢正拔爲城防局長甫及一年蔡知事用休閒辦團防金貢廷辭去陳蘊華與畢正拔同辦年餘畢正拔因老辭去陳蘊華又獨辦一年乃委令狐陶接辦甫一年仍委陳蘊華辦理至十一年壬戌設團務總理局以王家容

爲總理以侯樹濤爲協理七區團防屬焉時有老推雷三星及大匪杜老撐恒在南門外紅花園南溪口一帶拉搶是年冬余佐南侯登偉同辦區團次年癸亥羅天銓爲縣長因事回遵縣中無主時有招安營長張贊元駐守後山大匪陳牛販子於二月初五夜劫搶縣城縣署三堂被匪焚燬天銓長子被匪槍斃并擄去紳耆四十餘人幸張營長跟追救回此次失城正與同治癸亥同年同月或者天數難逃耶抑人謀不臧耶且當是時小老樹欲由楚米舖劫城被羅塌鼻打散馮青雲恒據九埧溝拉搶匪風四起何以禦之不第此也是年夏滇軍來桐除派軍米外勒索五萬元雖未如願相償城區遭匪之餘又復遭兵呼籲無門逃亡幾盡區團槍枝復被滇軍追失於石牛欄而團防亦因之倒閉矣其後縣長袁堅始委龔廣夫楊漢英充第一區區長

而總理局遂不復設所最慘者乙丑年饑斗米八元草頭木根俱被食盡更有以人食人者時記者任軍法職曾見婁山埡一饑民煮食數人以充饑餓一案一時死於餓死於疫死於兵匪者纍纍載道北門外掘萬人坑焉斯時團防尙有辦法乎十四年漢英辭退廣夫仍充區長如故十八年奉縣轉上峯令取銷團防改爲團務辦公處雖有團丁一班差役紛繁僅供傳達奔走而已無如沿革治亂不于其常今夏四月正安方面股匪陷城因於縣城成立保安司令部以從前之區團屬焉自此城防始臻鞏固可稱有備無患矣

第二區

團務辦公處設高橋場距城四十五里城鄉電話由城局分線直達團務辦公處

第一保 高橋

- 第二保 篆山
- 第三保 官倉埧
- 第四保 响水田
- 第五保 龍爪台
- 第六保 齋郎
- 第七保 太平場
- 第八保 鴨塘
- 第九保 橋頭
- 第十保 公平場
- 第十一保 小河場
- 第十二保 東木崗
- 第十三保 小埧

二區團務之經過 當清末年輕有團甲宣統三年始設鄉正區內以溱溪橫貫其中首尾不能兼顧上段係王文欽下段係趙純昭楊玉如等分段管理團務開辦實始於此九月反正有紅花園廩生阮月攀夥同城內溫廉泉招集匪首老班老義數百人借國民軍旗號紮鴨塘高橋大佛寺一帶口稱王亞峨來信約攻合江于是暗捉猪羊于冬月二十七夜先搶東木崗趙純昭家因激動衆怒密約東蘆十三團二十八夜靜由楊官廷楊青和帶路暗約標記先圍高橋搜索各棧房當於楊氏宗祠拏獲溫廉泉等五人正法逃脫數十人復追到大佛寺重圍數匝連攻三次鄉兵區民死十餘人帶傷三四十人延至三十天明各團吼稱有大軍援助四面交攻聲不絕耳匪知勢窮越牆而逃追殺二百餘人先一日匪以三十餘人搶大反張元陞家

意將其弟兄拉回勒搯路過桃子坪侯廷軒已聞大佛寺攻破風聲遂亦截殺追過青杠墳石榴坡殺死十七名餘各逃散地方賴以稍清一面報請縣長廖玉墀佈告將大佛寺所存義谷分給陣亡卹賞負傷湯藥之費自是地方獲免蹂躪民國三年改爲二區團防局五年嚴禁種煙楊玉如積勞病故後張載坤傳肇川出而共事適當禁煙功令森嚴任勞任怨幾遭挫折八年庚申張載坤亦因公病故卽由其弟樂泮與曹仕勳接辦九年冬各處土匪風起響應本區所在皆是老推雷三星其匪首也是時區保紳耆無力抵禦咸移避城內或聚躲寨洞癸亥五月突有川河大匪（吳勉之）牽數百人來紮官倉埧隨劫恩灘大洞踞其地前臨大河時正水漲急切難破乃將內管事趙四興假裝招撫員向洞中主事曹仕勳等交涉賺開洞門蜂擁而

入將洞內所有一搜而空並將殷實各家拉過遵義所屬李子關一帶勒索稍遲卽行槍斃家敗人亡不知凡幾鄉愚遭此可嘆可憐是年冬又有三區李明德時與老推意見不和互相仇殺甲子五月川匪歐大漢張紳糧爲黔北衛戍司令廖所招安指定駐防嚮水田蓋嚮水田係老推巢穴夤夜襲殺因於二十三日將嚮水田街民百餘家盡行燒燬四鄉居民如鳥獸散不敢歸農者月餘時二區槍彈盡失袁縣長委文萬興李鳳權合辦聯團商同在城父老購槍二十枝於七月內始還鄉旋經謀縣長改委李爲鄉兵事務所長文充區長迨至十一年赤水會辦署特派第六路遊擊司令陳泮香接防桐梓辦理勦撫事宜其時土匪除逃出及招安外彼其深藏食力者仍復不少次年區長李鳳權奉縣令於楠木埧密拏老推送縣轉解駐松坎之

周超羣團長梟首示衆一時大快人心十餘年來元氣斲喪休養生息或有恢復之一日今年春奉令將團防改爲二區團務辦公處正待進行期間又因軍事發生誠恐土匪乘之而起暫設保安司令部於縣城而於各區分設保安營仁見營部成立而地方可無匪患矣

第三區

團務辦公處 設在花揪埧城鄉電話由城局經過二區始到
團務辦公處

- 第一保 花揪埧 石垣子 槐子樹 鄒沙巖
- 第二保 客渡溝 大土 大坡
- 第三保 木堰埧
- 第四保 大水井
- 第五保 白水河
- 第六保 龍塘
- 第七保 石關口 藺子
- 第八保 牛渡灘
- 第九保 原埧棗坪

桐梓縣志

卷八

軍務志下

三七

黔南鉛石印刷局代印

- 第十保 岩底埧
- 第十一保 木艾埧 木村埧
- 第十二保 沙埡子
- 第十三保 楠木岩
- 第十四保 按山岩
- 第十五保 盤龍水
- 第十六保 猶光埧
- 第十七保 元木溝
- 第十八保 上下樂境
- 第十九保 到村溝 眞武巖
- 第二十保 石步埧

三區團務之經過

三區地方向無團防宣統三年縣令朱朝

琛委杜春華在花楸埧辦理團局建築土室五間是爲團防立局之始民國元年由杜春華鄧裕章葺修舊址因滇軍入黔停辦三年成立商會旋廢十七年改設風水埧四年知事蔡用休委杜衡封畢棟樑充當區長分區東一東二今之三區卽東二區也因本區在城之西錯立東二之名經畢良佐議改爲第三區至今仍之五年杜衡封畢良佐協同辦理有鄉兵二十名六年羣益社自治社成立正議長王懷瑾副議長杜時英七年鄧裕章接辦團防是年五月又委張文凜接辦八年畢棟樑彭作賓接辦是年秋仍由畢鄧辦理九年杜春華辦理分三區爲五所時因匪勢猖獗款項無着解散鄉兵不復設局其辦冬防俱由各所分擔而統轄於區長先是匪首老順劫花楸埧及團防局鄉兵悉散惟吳炳清等三人死戰不退卒以身殉十一十二等年遍地荆棘地方糜爛

區中人士自顧不暇誰復計及公安至十三年進退維谷不得不羣起殺賊於是桐之畢良佐縉之馬道生仁之張春軒倡立聯合會適大匪劉子成自放牛坪來聯合團於乾溪橋迎頭擊之殺匪數十人奪槍十餘支穆玉廷年已七十尙能身率團衆奮勇當先非老當益壯者歟是年五月二十四日又有黃老昏來境鏢兒會與之戰於穿崖圈共殺匪十七名奪槍八支當在牌埧口將黃老昏擒殺會中壯丁謝漢亭劉裕貴雷二同雷五等四人奮不顧身亦死於陣狗崖一路二區過三區要隘也匪隊往來恒由於此聯合團率其壯勇嚴加防堵該匪雖衆卒不敢越雷池一步亦聯團之有效者矣十四年委杜衡封鄧裕章充區長十七年四月改團防局爲團務辦公處改區長名稱爲主任現以畢良佐杜衡封充主任一席十八年縣城奉令設保

安司令部飭將原有區局改保安營部自此營部成立想地方公安長此無虞矣

第四區

團務辦公處 設在新站碑亭距城七十里 城鄉電話由城局直達辦公處由此分接一線達夜郎坳又接一線達五六七等區

第一保 新 站

第二保 同 上

第三保 山 坡

第四保 小 水

第五保 石場坳

桐梓縣志

卷八

軍務志下

三九

黔南鉛石印刷局代印

第六保 大溪河

第七保 石牛欄

第八保 梭柴洞

第九保 山王坳

第十保 七陣溪

第十一保 夜郎坳河內 以下三保現屬分區

第十二保 夜郎坳河外

第十三保 窑匠溪

四區團務之經過 四區夜里上五甲地也咸豐甲寅始興爲團然彼時祇約甲而已至同治初苗號肆擾團之大者曰太和團餘聽指揮卒平暴亂光緒八年縣城設保甲局督率鄉團二十五年陳玉川鬧事於仁懷桐民恐惶縣令何宗輪札各團整

飭團務此後歷任縣令每屬冬防或聞匪警莫不嚴飭各團認真防範迨民國紀元軍政紛繁匪徒竊發不邀線子即攔途劫搶便打窑基即搶村劫砦拉肥關羊即擄勒贖名號不一是年十月初八日小老沙劫新站場當將保董周德馨拉至舊城埧槍斃縣長嚴思永爲立以公殉身石碑旌之於時奉縣令組織團務地方紳耆劉九卿王春亭王備尊王沛然等公議招常練四十名夜郎分區招二十名二年由楊雨舒稟縣成立地方自治會後革於袁世凱氏其會遂廢四年知事蔡用休奉令劃分區段區長王備尊方整頓團防以資保衛而匪渠老粗首先劫場並擄王區長同去越日始回八九年後老樹劫一次老礦劫一次牛販子又劫一次各次被劫均擄紳糧多人彼時團力不足其奈匪何至十三年匪愈猖獗新站遠近曾無一片淨地時有滇軍衛戍

司令廖月江廣行招募一時易辰北陶春和羅一鵬陳天全等皆各爲其縱隊部又招羅健亭即塌鼻子爲副司令健亭雖出自綠林凡遇土匪之不法者率其部隊奮勇追擊人民之免於匪者咸相謂曰羅平云是年冬陳泮香司令奉令來桐取銷濫軍自是匪類無所憑依地方始漸安集然而兵匪經過饑饉洊臻刀兵之餘瘟疫尤盛以新站數千家區團當此末劫年限即十年樹皮蕨根食之罄盡而欲行賑卹兵匪之後又無餘糧眼見餓殍區民沿途不絕不得已募設粥廠於新站石場埧夜郎埧三處以救殘生於斯時也救命不暇遑問團防幸十五年歲則大熟人慶再生區中團務始有辦法溯自蔡知事用休以來其區長有王羽儀王守美即王備尊趙子茂王金吾王聘卿王沛然等先後承充惟劉九卿充任數年至今尙未交卸去職亦第四區團務

不可少之人也

第五區

團務辦公處 設在松坎萬壽宮距城一百三十里 城鄉電話由城局經過新站達於辦公處

第一保 松坎

第二保 沙灣

第三保 水壩

第四保 酒店壩

第五保 天神坪

第六保 水遼

第七保 花竹園

第八保 木瓜廟

桐梓縣志

卷八

軍務志下

四一

黔南鉛石印刷局代印

第九保 高粱壩

按五區上通縣城下通綦界孔道川黔甚為扼要所以黔北防軍釐金局所均駐松坎兵匪兩警均以此處為咽喉要地

五區團務之經過 五區地段向未興團咸豐四年革役楊龍喜叛於松坎五年偽皇帝曾么四陳蠻蠻等叛於仁懷縣令劉毅始令合縣辦團是為松坎有團之始六年綏今江炳琳剿何元驥於囤子山縣令蔣立柄攻周四黃彪於雷家碛皆賊中之偽稱元帥者時則楊逆雖平餘黨尙衆羣情洶洶不得不設團以戢之將欲除強暴而安善良非團無以收切近之功所以土匪穆玉朋等更有袁象章余三幸多才盤踞層巒山黔蜀官軍均不能克而太和團首王正儒竟於八年戊午克復層巒辦

團得人未始無效且沿崖邑紳有楊秀江者率其鄉里子弟兵捍衛地方亦甚勤勞惜當時團首持盈保泰固自多人而跋扈自雄亦在所不免越至十一年即同治元年賊匪竄入溫水石壕逼近區界以沿崖水遼之團防截兩河口匪始由扶歡填竄去於是各修寨堡有以硎爲寨者賊匪去後號匪苗匪乘之而起同治三年甲子於時米貴如珠餓死病死及刀兵死者不可勝計四年乙丑劉方伯嶽昭奉令來剿綏陽賊四月軍抵松坎縣令劉應陞令每團派送軍米數十石劉軍於是年五月拔營到綏殊至十月二十二日號匪復破縣城是時松坎附近寨硎破於賊者半燬於兵者半直至五年克復油籬口鐮尖山後匪始逐漸肅清十一年縣令凌彝銘仍將團務改爲保甲而團之名遂廢弛也光緒二十二年知縣何宗輪設局縣城督辦保

甲民國四年知事蔡用休復令設團防局購槍招練以防灘匪十二年七月初三日老響老樹統一千餘匪劫掠松坎擄去糧戶三十餘人甲子三月二日小老樹又同老碾老跳率四千餘匪將松坎財物搜搶一空拉去男女二百餘人雖有防軍寡不敵衆松坎至此團力盡矣元氣傷矣其後雖設局招練不過備傳達奔走而已十八年春縣令改團防局爲團務辦公處是冬縣立保安司令部又改組保安大隊部於是團務始有起色查歷年區長係張元發張庚林王秀夫張澤波羅伯常王秀夫復充黃雋如金筑生畢佐卿幸桂軒張歲彭張燮卿楊槐新黃燦章金雨生趙崇陔胡裕昆先後承充現今係張達賓李炳卿接辦五區團務之經過有如此

團務辦公處 民國十三年甲桐梓街移設興隆場距城二百四十里 城鄉電話由城局經過新站松坎羊木達於辦公處

- | | | | | |
|-----|-----|-----|-----|-----|
| 第一保 | 猶官坩 | 銀碗槽 | 後 | 槽 |
| 第二保 | 木人台 | 坡頭河 | 桐梓園 | |
| 第三保 | 龍山場 | 陳家坩 | | |
| 第四保 | 金家溝 | 二磴崖 | 扶歡 | 上坩 |
| 第五保 | 桐梓街 | 响 | 崖 | 沙 |
| 第六保 | 上溪垣 | 下溪垣 | | |
| 第七保 | 板遼坩 | 燕石坎 | 倒座墳 | |
| 第八保 | 石 | 壁 | 中 | 台 |
| | | | 錢家山 | 林子口 |
| 第九保 | 桃子述 | 麒麟坩 | 崖門 | 乾坩子 |
| | | | | 景星台 |

桐梓縣志

卷八

軍務志下

四三

黔南鉛石印刷局代印

第十保 下坩營 趕 塘 車 坩 四楞碑

第十一保 上青山 下青山

按六區在光緒以前不過五六保而已至光緒末荳剖瓜分不成團體民國四年團防成立統歸區局至十五年劉縣長尙衡始設桃子述青山二處分區今遵李縣長世祚令不分正區分區共編一十一保所有經過事由詳見於下

六區團務之經過 六區地方交錯綦界粵軍號匪迭遭蹂躪咸同之間始編保甲排難解紛責成鄉約而已自層巒鼻窠先後搗亂川黔兩軍分力剿辦於是按戶抽丁挨門派款有伏捐有餉捐有團捐當地方凋喪之餘全體團民本不能擔負重欸又不得不派重欸更不能不出重欸於時有江炳琳大令札委

桐紳楊宜春李賡虞綦紳楊材選設局青羊市籌備軍餉轉運前方關係安危誰敢抗傲自同治三年後迄光緒二十年間賊匪既清團民復業其著名保甲祇有保義守義協禦敦厚數團而已至光緒八年縣城設保甲總局時議本區團務欲以謝雨金王星綱領之後未實行光緒中縣令何宗輪以桐梓街爲適中地委修桐梓縣行台於此旋設豐田分局以夜里下五甲團務附之三十一年縣令張斗南奉檄整理團務委猶鏡涵及王紹伯爲團總分段管理未幾紹伯病故鏡涵一人任之宣統三年同志會起匪燄日熾紛紛藉故挨門提鎗未幾而黔府宣布獨立川省繼之於是不逞之徒遂以搶擄爲生活矣民國元年一月六日公民楊曉峯曾冠三等打狗爪澇土匪阮洪順等格斃十餘名二年二月十九日北防督帶熊克丞何紹孔督率團壯打溪垣

桐梓縣志

卷八

軍務志下

四四

黔南鉛石印刷局代印

老磨

即口抓爪

亦擒殺無算是年縣長蔡用休札委楊廷杰協同猶

鏡涵充第六區區長

西一區所改

卽桐梓街行台設爲團局先是熊

督帶送馬稊尼槍數枝至是招降彭老圈

被綦江縣令法辦

又得槍數

枝招練打匪基本於此護國之役

四年正月十八日

戰於青市扶坭等

處派我團練鄉導大軍旣而我軍獲勝北軍分由涪州江津兩路包圍我軍我軍退讓之後彼遂長驅大進盤踞區內而團防

遂失駐所矣北兵退後黔軍入川又復重整團防分紮青市官

坭兩處旋有金老鐵

即金煥章

竄踞扶坭分頭擲牽時以青市兵單

併紮官坭灘匪雖多尙可支持惟縣城被匪之後

乙丑二月初五夜

道

梗不通官府幾忘縣屬之尙有六區六區亦久不奉官府之訓示股匪橫行率團自保延及十三年秋有悍匪施秉清匡級五等糾合三千餘人橫亘馬桑台早渡河一帶借口招安心懷叵

測突於七月二十五日匪分數路猛攻後槽團卡相持至二十七日槍彈告竭團衆潰退該匪攻入後坎燒燬楊治安坐屋卽乘勢延燒興隆場及團局學校并民房二百餘家自是團防潰敗方集中桐梓街覓購子彈以圖恢復殊該匪垂涎煙幫又跟追至青羊市將場圍劫三日之間兩驚匪警團練百餘人連夜退至麒麟坳而老光匪股又由蒲渡河來經過桃子述進退維谷猶向青山籌備練欸楊不得已仍回桐梓街旋以風鶴警嚴退至九鍋箐下偵知匪將率類來攻又復先時退走於是羣匪由木人台繞過溪垣尾追一晝一夜幾不能免蓋是時羣匪蠶起接境隣團安穩起水扶先被匪陷僅一六區已成孤注哨棚林立佔踞地盤賊盛民衰無能爲矣猶鏡涵於此時已到石角鎮綦令以其辦團有素強以扶坩團總委之兼任未及接辦而

隨從團練已在扶歡場上被匪傷斃李青雲等十一人失槍多支未幾楊在劉羅坩率隊保寨被匪攻入槍亦盡失團防至此不可爲矣其後猶楊告退里紳謝泉如權充區長愈理愈棼團防無主已非一時其各保之貧於匪死於匪並徇匪保家者比比皆然也甲子後楊治安復任團務三載至丁卯夏縣長李世祚委科長文銘到區投票改組遂委猶槐三猶義益接充區長戊辰改團防爲團務辦公處己巳夏縣城組織保安司令部復改保安大隊部現綦江軍團交闐擾及隣境賴保安全團務之經過如此並將保甲民練歷年被戕慘狀列表一覽

萬其昌 崖門 保董打匪奮勇被賊坐草戕害

猶海瀛 景星台保董被匪攔途截殺以圖報復

張紹侯 下青山保董民元倡辦鄉兵公所構結匪仇未幾被害

陸殿章	木人台保董	疾被匪如	戕
猶國霖	桐梓街保董	南匪劫門	青羊所戕
何澤光	堡子沱保董	徒外科傷	精妙惟不
猶洪發	崇義團保董	被打匪奮	勇勢不兩
馮漢亭	溪垣保董	故家稱富	有被不其
李拔之	同	上	被打匪甚
何亨亭	二磴崖甲長	故與匪此	受有仇害
劉東垣	保義團甲長	一被千餘	陶瘟置挪
楊金山	本區	練長	被成立團
婁鑄清	本區	練長	安打匪出
李青雲	本區	常練	陣扶亡於
楊作炳	本區	練丁	渡即區長

桐梓縣志

卷八

軍務志下

四六

黔南鉛石印刷局代印

劉春 本區 民練 甲長劉東垣之孫在

按以上諸人或戕於路或戕於家俱是辦公認真匪徒含恨乘亂報復慘狀莫名特筆書之俾慰靈爽而昭示來茲云

第七區

團務辦公處 設獅溪口禹王廟內距城二百九十里 城鄉電話由城局經過新站松坎羊不達辦公處

第一保 獅溪場

第二保 張柳台 椿巔坪 殷家岩 天生堰

第三保 小溪溝 燙山 羅家口

第四保 楊家嘴 曾家灣

第五保 磨石溪 牛欄坪 甕村台

第六保 婁房埧 沙坪

第七保	靈官殿	黑沙埧
第八保	芭蕉埧	桴煙坪
第九保	寶龍山	
第十保	落顆泥	福土埧
第十一保	清塘口	高山寺
第十二保	飛梯岩	金竹台
第十三保	官倉埧	陳瓦山
第十四保	水埧塘場	
第十五保	木家山	燕子岩
第十六保	支峯溝	篾山
第十七保	灣塘	屋綠凹
第十八保	羊木場	婁房埧
		文峯溪

第十九保	水銀溪	螺蟹埧
第二十保	羊木灣	
第廿一保	苦練埧	蘭英台

按七區共屬二十一保花戶多寡詳戶口門其團務原係統辦今水埧塘羊木文冲溪等處各設分區則已不歸畫一也

七區團務之經過 獅溪口原有汛地設在戴氏祠後清嘉慶時取銷至宣統二年團保張光禎爲保護公安起見製造火鎗二十支創團防局招練二十人住禹王宮將一載又廢至民國二年邑紳婁柱濤又請開辦自治會亦住禹王宮革於袁世凱禁令遂無成效後復改爲團防招練二十餘人然僅有外觀而已繼而黃龍蟠續辦改爲保衛團局銳意維新頗有聲譽團防

既飭區民獲安不料世變無常匪徒日甚龍蟠力微難支廣交匪類終至養成後患不可收拾禍由三月十六晨刻戴氏祠內全軍反操悍匪葉占清將區長班長殺死槍彈拖走遍搶鄉村防範不嚴萬民抱恨其亂首係從前招入之葉占清趙和尚等均遵義人即將槍支拐逃以便轉家豈知天理不容行至正安境內一心前進眼黑難行且似有伏兵當前阻其去路向後退走又覺無事葉乃言曰莫非槍彈是七區衆紳耆之脂膏被我拖外作亂豈天不佑我耶於是立刻寫信送與獅場紳耆懇請担保身命將槍還獅照此看來葉之寸步難行其殆被冤鬼之拘回歟自是綱領無人復又舉黃接辦數載中被羅匪提槍又幾倒閉至民國十二年梁友峯協同恢復另製槍支殊被婁彪詭謀以楊其昌反兵一連之事嫁禍於梁押赴南川槍斃從此

辦團無人惟受彪指使而團防廢弛矣十四年彪被剿辦而其餘黨猶復蹂躪無常不堪設想雖劉縣長尙衡委紳婁柱濤製槍招練重辦團防受制之處亦復不少繼有戴鼎鍾張域祥接踵辦理種種受壓發展無由周旅長超羣乃令劉營長于十六年六月二十四日追擊惡黨張青成該惡匪逃奔南川遂將團槍拖去不得已暫借民槍徐圖恢復招練三十人駐紮禹王宮而團局始有今日矣於十七年六月十三日縣委李炳青將區團改編公安分局區局改爲團務辦公處至十八年省城失陷縣成立保安司令部又改組爲保安大隊統於縣城司令部至今省城恢復地方秩序漸有可觀仍區長張介峯賡續辦理云

毛軍長光翔召集團務會議宣言

見大定志

慨自寓兵於農之法壞而兵民分管子治齊作內政以寄軍令

變興軌里連鄉之法齊用以霸降自滿清曾文正公起練鄉勇
屢蹶屢起粵軍卒平凡此皆兵與民合民可爲兵之成效卓著
者也洎自民國禍亂相尋愈演愈劇幾無寧日萬衆有倒懸之
厄政府失保護之方交通便利之地人民覺悟較早已知非力
辦團務不足以自衛圖存以本職在川所見如南川之張茂春
江津之周化成巴縣之李盈廷辦理聯團均成績優異所轄團
區亂軍股匪胥不敢大肆其虐其餘辦理完全之區亦指不勝
屈以故川省自反正以來此戰未平彼戰又起而人民尙能各
謀其生者亦未始非辦團之效也若吾黔自民九以還始小有
戰事繼以滇軍入黔土匪蜂起兵不擊匪而擾民匪不畏兵而
愈擾民而人民素乏團結自保無方不惟無法以對兵更無法
以禦匪每日所思逃避之外無善策待死之外無良謀兵匪查

知以黔驢之技止此愈肆兇橫貧苦之民因而流離失所百業
俱停稍裕之戶遁居城市則橫被苛捐匿避鄉村則慘遭拉劫
受禍之烈較咸同間粵軍黃白號下河苗楊龍喜之亂有過之
無不及也以之比較川省之受慘禍則百不及一以之比較川
省之受慘禍則酷至萬分豈兵匪之對川則有差等實辦團程
度之差等有以使之然耳本職亦黔民之一份子前駐川時每
有故鄉人至詢及桑梓情形不禁心如刀刺不忍卒聞及屯兵
赤水枕戈待旦無時不思拯吾黔父老子弟於水深火熱之中
仍如川省之整頓團務以圖永久自衛之方東隅雖失桑榆可
收不然國家安甯不知何日使不猛然省悟自圖捍衛一任歲
月蹉跎則吾黔人民瞬息卽無噍類故本職自去臘協同彭師
率兵回黔收復新鎮卽擬定民練簡章通行各縣但此簡章僅

在練習民兵對於聯合方法缺焉未詳久欲另訂公佈惟以各縣風氣太多互有不同恐閉門造車未必盡能出門合轍故復草擬各縣聯合團簡章召集諸君協同商訂以期所言必行所行必效免蹈具文之弊以爲遠久之謀務望各抒鴻議成此佳章至往後團務必如何方可力行不懈維持永久必如何方可團結愈堅範圍愈廣是又在諸君偉謀碩畫協力籌商中也本職有厚望焉

毛軍長光翔辦理團務約言

見大定志

吾黔連年苦兵匪之蹂躪深矣本軍返黔一旦由水火而登諸衽席當時之父老子弟諒莫不欣欣然有喜色曰危解倒懸也稍知事者回憶前日所受之苦痛幾於九死一生諒又莫不私心自奮曰往後若能自衛雖毀家紓難况瘁其身亦必畢力以

赴然熱心不過五分鐘居安即忘其危幾爲吾國人之習性視要公爲具文以敷衍爲能事又幾爲吾國辦事人之祕傳本職非敢謂智出乎衆有邁羣倫惟篤會古人實心實政之語重以會憲會辦貴州軍務善後事宜值殘破之餘爲補牢之計使不昕夕籌謀勵精圖治不惟上無以對上峯下無以對人民撫膺自問亦覺愧怍良多惟念善後之方非一而足整理團務應屬首圖故自回黔以來汲汲公佈民練簡章催促進行繼思範圍應求擴充守望乃可持久故又不辭勞瘁召集團務會議協訂聯合團簡章第荀子有言曰有治法尤貴有治人汲黯有言白爲政不在多言只在力行何如耳按之荀言是法與人並重按之汲言是行更重於言現辦團之法既已詳加訂定一律通行以後效果如何是又在乎治人耳是又在乎力行何如耳而力

行之後是又在乎奮勉與不奮勉耳況我辦團官紳果能居安思危一洗從前忌玩敷衍之習黽勉從事實力奉行則本職當敬之愛之微功必賞片長必錄若仍補苴罅漏簞簋不飭居民之首爲民之蠹各縣未經辦好是聯團總監辦理不力之過也一縣未經辦好是縣知事及團務總理辦理不力之過也一區未經辦好是區長辦理不力之過也一保未經辦好是保董辦理不力之過也一甲一段一牌未經辦好是又甲長段長牌長犯之處分本職嗣後對此不問親疏不分權貴一律破除情面執法以繩決不稍事寬假以碍團務進行茲當聯合發軔之始特書章首藉作座銘以服勸戒其各勉旃

毛省主席公布保衛團細則 民國十八年十月

第一條 本細則係依照國民政府公布縣保衛團法參酌本省各方情形規定凡各縣辦理團務均應遵守

第二條 各縣保衛團直隸於縣政府負維持各該縣治安之責並管理一切團防事項所有團防區域就城鄉原有地段辦理不得紛更

第三條 各縣保衛團置團總一人每區設區長一人副區長一人區長以下設保董甲長牌長各若干人均由縣長遴員委任受縣長之監督指揮辦理一切應辦事務委任各員並呈報省政府備案

團務人員任免條例另定之

第四條 各縣縣政府關於團務事項得根據保衛團法發布單行章則

第五條 團總及區長爲辦理一切事務及訓練團丁得委用文牘庶務稽查教練各員但應呈報縣政府核准備案

第六條 團總副團總承縣長之命令督率各區區長辦理全縣團務事件

第七條 區長承縣長團總之命令督率各保董及甲牌長辦理本區團務事件

第八條 保董承縣長團總區長之命令督率各甲牌長辦理本保團務事件

第九條 保衛團及各區辦事處就地方原有廟宇或公

所設置之

第十條 各縣因匪風猖獗有聯絡必要時得設某某縣聯團辦事處但辦事處之組織及規約應先呈候省政府核准施行

第十一條 各縣保衛團之圖記由縣政府分別刊發非關係保衛事宜不得鈐用

第十二條 各縣保衛團槍枝由團總負責保管

第十三條 各縣保衛團之經費就地方原有團防欸項開支如不敷用得呈請縣長設法籌措但須將籌款情形呈候省政府核准施行

第十四條 各縣保衛團每屆月終應將收支欸項情形造具四柱清冊連同各項單據呈報縣政府查核

第十五條 各縣保衛團團丁之編制分常練門戶練兩種
第十六條 各區因情形之必要得酌量財力設置常練一隊或兩隊駐紮重要地方但門戶練成立時即行撤銷

第十七條 常練以四十名爲一隊設教練一人訓練由團總及區長節制指揮

第十八條 常練練丁應由本區各保選擇土著良民保送驗充嚴禁招募外籍游民充數

第十九條 門戶練每戶出壯丁一人以年在十八歲以上四十歲以下爲合格如有戶無丁得以免役費代之

前項免役費章程由縣政府擬定頒布呈報省

政府備案

第二十條 門戶練總編制以十人爲一班三班爲一分隊三分隊爲一中隊四中隊爲一大隊中隊以上冠以第一第二等番號

第二十一條 門戶練編制每區至少以一大隊爲率任務兩年退爲續備丁續備二大隊年滿退爲後備丁仍續編練期於全區壯丁皆有軍人資格一方足以防禦匪徒一方備國家征調之用

第二十二條 門戶練編制之後每晨集合操演一次以兩點鐘爲率午後以一小時爲各丁講話

第二十三條 前項操演期間以農隙時三個月爲限未滿三個月不得停止操足限期以後每月仍須會操

二次或三次

第二十四條 各區編聯團隊關於區域管轄上之便利有必須劃撥歸併發生意見時得呈請縣政府派員勘明處理

第二十五條 門戶練開操後由區長分期挨次檢閱不合教

程或敷衍塞責者立令改正違卽呈請縣政府懲罰之

前項檢閱縣長暨團總隨時親往抽查

第二十六條 門戶練操法由縣政府規定實施教程頒布施行并得演習刀矛雜技拳術等項

第二十七條 練丁有絕對服從團總區長保董之義務但有非法之命令得拒絕之

第二十八條 練丁有怠忽操演違反任務時區長保董得處

以百文以上千文以下之罰金或加以訓戒如情節過重或逾越常軌時呈請縣政府訊辦

前項罰金存儲在區作爲其他練丁之獎金

第二十九條 操場及遊巡望哨各規約由團總酌定呈請縣政府核准施行

第三十條 門戶練操演時間自備伙食如係因公服務得酌給津貼（由地方經費局取給不得妄派

人民）

第三十一條 門戶練編定後造具名冊三分以一分存區一分存局一分呈縣政府備案

第三十二條 練丁服裝由各縣自備發給以資識別而壯觀

瞻如因經費無出得於通常短服之胸前加以標記

第三十三條 富紳大戶及殷實商號如有關懷地方願製槍枝保衛者得備價交由縣政府呈請省政府代購轉發如刀矛棍棒可自行購備

第三十四條 各縣公私槍枝均應送交縣政府烙印註冊發還以備查考

第三十五條 花戶槍枝如因擊匪損失應即登時呈報縣長查明註銷一面由局另發

第三十六條 槍械損壞應由縣政府僱匠修理各區不得私行立廠製造

第三十七條 常練應於重要地方駐紮每日輪班遊巡遇匪

緝捕力若不逮得飭就近區團集合協助

第三十八條 各區應擇要設立哨柵派門戶練輪流瞭望盤詰奸細但不得故意留難肆行騷擾

第三十九條 各區花戶每戶應製竹梆一個各甲長保董各製銅鑼一面遇有匪警立即擊梆各甲牌聞聲齊鳴梆鑼響應一律集合扼要兜擒

第四十條 遇有大股匪徒民常兩練不能抵禦時應即請求駐在軍隊派兵協助

第四十一條 各區發現匪警無論過道或盤踞立即飛報縣政府及駐軍核辦不得聽其出入

第四十二條 練丁擊匪除匪徒拒捕得當場格殺外如係生獲之犯應即送縣訊辦不得自由處分若因路

途距遠之區得以聯團遞送

第四十三條

凡屬鄰近區保務各協訂規約切實聯絡互相援應其規約由聯合之各區協訂呈報核示

第四十四條

聯合各區應擇一適中地點每月會哨一次

第四十五條

本區發現匪警除由該區負責緝捕外凡鄰近之區保一經接得知會立即齊團赴援不准坐視

第四十六條

凡聯合之各區保得公舉有軍事智識勤慎公正之員充任指揮呈請縣政府委任之

第四十七條

甲團有警乙團赴援所有消耗彈藥及傷亡等費均由甲團擔負但不得任意勒索苛派

第四十八條

聯合各區如有通匪窩匪爲匪情事及有溺職

之團務人員得以互相糾舉

第四十九條

聯合區保之爭議事件呈請團總或縣長裁決之

第五十條

各縣保衛團區域內之戶口應由甲牌長按戶切實調查造具清冊二分交由保董彙交區長團總轉呈縣政府備案

第五十一條

花戶有二家以上同居者以一家爲主戶其餘爲附戶附戶多者以第一附戶第二附戶分之每戶丁口之多少男女僱工各若干及左右鄰舍爲何人均須逐一註明關於兒童年齡及成年者尤應詳列

第五十二條

男女丁口之外其自業佃業及土著客籍寄居

久暫一併分別查明填入清冊

第五十三條 每戶置門牌一塊區長團總於覆查後如無隱匿遺漏即將前項調查詳細填入發交戶主懸掛門首以備抽查

第五十四條 每立一戶無論正戶附戶均須取具十家連環保結互相保證不得有通匪窩匪爲匪情事如有一戶不法九戶容隱不報共同負責

第五十五條 各區戶數既經編定之後如有遷移別區者須於移居之前三日報明各該管區保卽由雙方分別註冊核銷仍各取具連環保結備查關於花戶之婚嫁生死人口有出入時一律向區保呈報註冊

第五十六條 花戶之外另立特別戶如左

- 一 叢林寺院
- 二 工場窯廠公司
- 三 官署局所學校善堂
- 四 船戶

以上四項均應照花戶條例辦理

第五十七條 區保於調查編聯時以十家爲牌置牌長一人五牌爲甲置甲長一人十甲爲保置保董一人十保爲區置正副區長各一人

第五十八條 編聯完竣之後卽行着手造冊製發門牌以後每年清查造報一次

第五十九條 辦理團務人員獎懲由縣長考查執行每屆半

年由縣長綜合成績加具考語呈請省政府舉行一次

第六十條 獎勵分爲四種

- 一 匾額
- 二 獎章
- 三 記功
- 四 獎金

第六十一條 懲罰分爲四種

- 一 免職
- 二 責革
- 三 記過
- 四 罰鍰

第六十二條 應受獎勵人員如左

- 一 辦理團練三年以上成效卓著者
- 二 捐助團練經費五百元以上或勸捐至千元以上者
- 三 捕獲積年巨匪訊實懲辦者
- 四 登時捕獲匪徒或當場格斃者
- 五 奪獲匪中快槍利器或奪回被擄人民者
- 六 舉發通匪窩匪訊實懲辦者
- 七 六個月以上境內無匪警發現並能應鄰團之請援助有功者
- 八 因捕匪受傷或斃命者
- 九 辦理團練積勞病故者

八九兩項應照撫卹條例辦理
應受懲罰人員如左

- 第六十三條
- 一 辦理團練毫無成績或不遵定章任意出入者
 - 二 團內發生搶劫重案未能捕獲者
 - 三 匪徒經過本管區團聽其出沒並不呈報者
 - 四 私擅逮捕有意圖害善良者
 - 五 違法拘留意圖勒搯者
 - 六 巧立名目估派勒捐者
 - 七 侵蝕團練經費或浮收者
 - 八 調查戶口遺漏隱匿及編聯不遵定章者

- 九 民練兩丁匪警不赴召集貽誤事機者
- 十 遇警不應梆鑼及得知會不立速赴援者
- 十一 窩留盜匪或代匪運購槍械潛通消息者
- 十二 意圖非分携槍投效軍隊者
- 十三 以槍枝借給匪徒分得贓物者
- 十四 勾結匪徒在本團或鄰團搶劫者
- 第六十四條 前條第一至第十各項由縣政府按其情節輕重分別行之十一至十四各項由縣政府訊明依法擬呈省政府核辦
- 第六十五條 各縣保衛團辦事細則由縣政府擬呈核准施行

第六十六條 本細則如有未盡事宜得由政務會議隨時修

改

第六十七條 本細則自公佈日施行

第六十八條 自本細則施行後所有以前一切團務章程即

行廢止

以上細則因國民政府公布各縣保衛團法共
七章分三十一條到省 省政府按照各縣情
形頒發細則到縣 縣府乃開團務大會逐條
議決公布施行